



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七八八

觚庵詩存四卷 俞明震撰

一

沈觀齋詩二卷 周樹模撰

三三

丁秉衡先生遺文一卷 丁國鈞撰

九七

占齋詩文集八卷附詩餘一卷 饒芝祥撰

一〇三

雲林書屋詩集八卷 愛新覺羅載瀼撰

一六九

餘樂園詩鈔一卷 劉名譽撰

二五七

竹雨齋詩鈔一卷 劉名譽撰

二七五

紀游閒草一卷 劉名譽撰

三〇五

澹園文集二卷澹園詩集二卷附錄一卷 虞景璜撰

三一七

蘭福堂詩集一卷 胡延撰

四〇七

苾芻館詞集六卷 胡延撰

四三一

長安宮詞一卷 胡延撰

五〇七

愧廬文鈔二卷 愧廬詩鈔一卷 附聯稿一卷 胡道南撰

五二五

泗州楊尚書遺詩一卷 附詞一卷 楊士琦撰

五六五

養氣齋詩集五卷 陳文新撰

六〇三

涪雅堂詩草二卷 吳朝品撰

六三九

知非齋駢文錄一卷 知非齋古文錄一卷 沈湛鈞撰

七一五

庚申十二月

觚庵詩存

陳曾壽題

觚庵詩存

觚庵詩存敘

戊午夏及秋之交余病血下泄觚庵亦臥病滬濱皆幾死其九月觚庵遽脫病來視余留十餘日而去逾一月自滬之湖上復暴病竟以不起走哭還取其生平詩草稿審訂別爲若干卷付刊印觚庵少年能詩自矜重通籍浮沈輦轂間後官江南官贛官甘肅所作僅有存者退隱後詩乃稍多遭遇巨變辟世孤往而然也余嘗以爲辛亥之亂興絕義紆沸禹甸天維人紀寢以壞滅兼兵戰連歲不定劫殺焚蕩烈於率獸農廢於野賈輟於市骸骨崇邱山流血成江河寡妻孤子酸呻號泣之聲達萬里其稍稍獲償而荷其賜者獨有海濱流人遺老成就賦詩數卷耳窮無所復之舉冤苦煩毒憤痛畢宣於詩固宜彌工而寢盛然海濱流人遺老踟躕番市樓壁之下類足迹不窺境外觚庵則金陵有宅青溪上鄰於余復築廬杭之南湖與陳君仁先爲鄰歲月之往還游賞之頻數出一篇輒有爲余與仁先所驚歎者蓋觚庵詩感物造端攝興象空靈杳藹之域近益託體簡齋句法間追錢仲文當世頗稱之觚庵亦或幽獨自負其信有無忝於後人之相知者耶嗟呼觚庵晚耽詩略與余同而侘傺猶甚於觚庵猥爲之稍勤忘其惛且鈍楮墨傳視觚庵亦不以爲非焉然而生世無所就賊不得殺魂意畸行無足顯天壤僅區區投命於治其所謂詩者朝營暮索敝精盡氣以是取給爲養生送死之具其

生也藉之而爲業其死也附之而獵名亦天下之至悲也
校觚庵遺詩訖爲發余所愧而推論之如此己未四月陳三立

觚庵詩存敘

二

觚庵詩存卷一

山陰 俞明震 恪士

出都宿楊村作己卯

落日下寒沙征夫猶未息羸馬帶西風行行度平隰豈
畏跋涉艱但憂時事棘土瘠稻粱稀饑鳥投林急憶昔
別家時淒風入庭室我父病在牀母扶幼弟立謂兒將
遠行願兒自愛惜汝舅在閩海見我恐無日念我病且
衰見汝心尤切弟妹各淒然回頭向暗壁幼子牽婦衣
呱呱爲我泣相送各無言皇皇日將夕出門從此去一
棹浮空碧載涉閩海濤舟輪御風疾登岸見我舅沐髮
猶未畢遙憶我母容見舅心滋戚我母齒盡脫我舅髮

觚庵詩存卷一

十

全白俛仰二十年悲愉感今昔六月到京師囊空嗟旅
食寄生憂患初冥心赴沈摯昨夢到庭闈慰我久離別
旅思凋華年春暉警淒魄名場勿自誤去去復何恤昨
夜始出都傍徨宿古驛秉燭理殘書風勁檐霜積偶檢
舊寒衣縫紉千鍼密豈必貴此衣吾母勞筋力衣痕日
以舊游子尙行役披衣步中庭一步一淒惻關河多浮
雲茫茫天地窄

曉發南津港

蓬穴露光圓遠嶼濃欲滴烟披沙草微孤棹弄寒碧泛
泛入空明前帆去不息乾坤日摩盪決莽衆流匯水氣
曙濛濛俛仰星斗逼日躍天無根金光射萬隙蛟龍失

曉睡采錯周六極風撼城勢低天水相扶翼浩蕩積氣
中震駭資定力霞氣鬱不騰平視坤輿側翩然一鳥下
萬里風瑟瑟

舟發萍鄉遇雨庚辰

趨世避風沙雨勢壓絕壁萬木噤無聲石氣濃欲滴層
陰失象緯猿鳥各悚息側疑坤軸陷倏乍雷電逼山頽
萬竅號雲水遞呼吸始覺澄潭腥恍聽幽巖泣迴慮抱
深憂遠矚愁六極雲破日氣蘇萬象復森立水際一鐙
來清光散空溼冥會斂衆囂存神偶寥寂

萍鄉泛舟至淥口道中作

春華不相待烟草自萋萋一棹入溪曲亂雲啼竹雞歸

觚庵詩存卷一

二

途如夢覺山影向人低落日亭亭下無愁意亦迷
歷歷江湖晚幽花只自妍亂峯爭受月遠水暗生烟鄰
火增新感灘聲熟夜眠忽成秋意思春夢在愁邊

鴻噉數

洪濤穴鼉鼉岸圯江流橫落日散寒烏泊舟心轉驚吹
荻蕪殘火四望無人行老翁七十餘執犂草底生道昔
乾嘉時舳艫控襄荆民富隄質堅商吏同經營自遭粵
匪亂江岸無完城生聚十餘年稍稍理農耕泥淤河身
高土薄地利輕前月忽晝晦隄決沙水并天地戰寒濤
土木蛟龍爭頽垣掩白骨冷竈灰燼平倉皇語未竟四
野聞哭聲幼兒初學舌向客乞殘羹隨身無餅餌對此

難爲情酸風颯然來壞木啼倉庚

鐵鳥下林木哀鳴念其離寒風聚野寺官吏當門呼斂
籌散米粥繞岸聞喧啾瘦男忍饑臥病男步趨起翁媪
泣且行呼兒待路隔行遲粥糜盡殘瀝不滿盂一盂繫
四命難潤中腸枯相視不忍食欲食還踟躕牽衣乞過
客願驚兒爲奴但願兒食飽全家無所需阿母不忍別
丁甯淚模糊尙恐兒衣寒爲兒縫破襦

悲憤甲申

痛哭瞻依日艱難百事磨撫棺兒已大垂死累偏多獨
夜愁風雨空村掩薜蘿生平悲菽水未忍說鳴珂

寄如皋呂士雲乙酉

觚庵詩存卷一

三

憶昔同車趁殘月天街鈴語秋煙隔禁門初日飛赤輪
擊鼓騰騰曙星沒愁痕零亂出都門劍光鐙影同淒惻
風塵萬事墮冥昧何須氣短劉蕡策還家哭父淚血枯
十生九死惟默默麻衣跣足別我去渡頭寒日慘無色
中年哀樂苦傷神可憐幾輩頭先白由來往事皆如醉
側身敢謂乾坤窄昨者朝廷命大將聞道虎狼盡伏懾
雄風雖指天王旗魑魅何曾膏斧鉞火球激射天如墨
雲枯水立鮫宮熱腥風十丈飛肉血君不見盈廷共詆
和議非師敵破敵窮心機三十年來紛聚訟夕陽樓櫓
空沾衣荒齋有客望南斗莽莽江湖短夢歸

游漢上琴臺丙戌

烟嶼乍離合流霞翼餘光迴波無盡情原野赴蒼茫天
意惜餘春巖花閨幽香感物情若離藐生迹未忘燈火
壓春流微月生中央濕霧散濛濛鳬雁靜不翔塵外亮
有人解珮凌滄浪

游臺城歸飲秦淮酒樓丁亥

臺城夜夜青燐飛歸馬趁起烟火微蒼鷹盤空作鬼語
千年輦路春萋萋丈夫慷慨矜奇計那識興亡等閒事
纔上新亭有淚痕又見鐘山擁王氣劫運初回大地寒
愁心疊疊看春山要將肝膽照江海誰放哀樂生波瀾
繁華過眼春心在鶯飛草長真無賴忽漫飄零怨曉風
流光咫尺不相待琵琶彈作清夜游傾囊買醉秦淮樓

觚庵詩存卷一

四

城上鐙紅照酒醒鬢邊花好替人愁冥濛誰作五里霧
脩到神仙皆世故閱盡榮枯懷抱孤江關哀怨知何處
絲肉纏綿四座春相逢不忍說酸辛年年一片蔣山月
照見傷心第幾人

登鍾山作

鴻濛鑿元胎地脈鬱王會盤岡若蛇赴躡足出鳥背落
日蕩遙悲烈風奪天隘荒荒孝陵樹陰嶮失拱衛燐飛
隧殿黝哀湍奮沈瀨引睇排重闥雄風詎彫瘵藐茲喋
血場蟻聚爭王氣聚散成古今樂往哀長繫樓霞餘春
姿新亭空雪涕登高我何託色然倚天地到海水無多
卽此悟邊際浮埃蔽城飛渴壁俯睥睨

曉游莫愁湖

層臺吐曙鮮大星沒城頭理帶帶愉晴皋攬思惓湖樓榭
響夢乍離孤花照深愁曉曉兵氣蘇墟墓散羊牛波光
自含蓄遙情蕩未收簫鼓戀天風清歌遞繁憂離離尋
墜歡依依怨川流委化怡春情此意長悠悠

留別秦淮作

野色依依入露荷分明昨夜醉聞歌遙憐水閣疏鐙上
漸覺南朝夕照多滿眼江山生福慧幾家烟柳弄婆娑
清愁莫放鴻濛破但到人間總逝波

武昌道中

江流東百憂雲光媚初夕綿綿倦水木清響修已隔江

觚庵詩存卷一

五

城延古歡攬裾怨將別廣術暖寒烟殘陽收遠色馳望
忽迷方忉忉感行役委颿溯歸風虛舟羣動息明星露
窈窕山巒亦悱惻哀樂乘天倪情瀾渺不竭冷泠懷遠
度黯黯徇前迹薄暮猿鳥啼江湖不可測瞻望窮崦嵫
婉孌遲明發

送仲林歸通州

晨風吹林散寒雨星落城頭撻大鼓怨逐江南江北雲
往事煩冤向誰語頗傳海上旌旗新深語沈沈四座昏
魏徵嫵媚有才辯可憐熱淚垂向人狂吟痛飲酒盈甕
醉膽輪囷壓愁重君歸淮上我洞庭決莽中原真一夢
古人棄我如秋煙起看孤日當高天丈夫惜別近侏細

可堪哀樂將中年登高元氣滿天地城闌下綠烏絲細
還應閉日向時人何事憂傷不如意君看華髮照春波
愁心婉孌山如螺十年俛仰歷千劫零落江湖哀怨多

寄和苑仲林秀才

故人別我無消息江頭日日愁風色莽眇關河又一時
飄忽春光不相接悲歡黯黯思昔游脫帽笑指欄衡洲
無端落日照離別從此煙波各自愁眼前搖落知誰勁
可憐懷抱向人盡歧路相看泣弟兄天涯况復憐貧病
由來人事儘堪憐岸然氣與浮雲連乾坤萬態震頑懦
幾輩佼佼稱時賢書生脾睨真成誤婀娜如君有深悟
性情以外百不營婉轉深心託詞賦知君歲晏愁感多

觚庵詩存卷一

六

放眼天地同坎坷江天醞釀好風格只今回首同蹉跎
瀟湘夜黑雨聲急荒荒往事成追憶獨掩深屏剪燭看
檐花亂落春風細可憐歲歲泣春風況復孤兒途路窮
人生何處論知己掩袂東望愁飛鴻

寄懷王木齋秀才戊子

生死心誰託艱難道未孤沈吟惜遙夜哀豔滿江湖身
外閒雲墮愁邊一雁呼更誰覓謀秀淒惻到寒蕪
因循不自覺慷慨一登臺身世成孤注寒空但劫灰高
原如待我落日有餘哀此意無人見江天入酒杯

長沙道中寄懷王木齋

又聽湖陰臥吹笛十年人事真飄忽至人乘物游無窮

今我胡爲但兀兀消盡迴腸蠶氣中中原落日看烏沒
登高臨深有所哀迴薄萬古心無極幾輩詞流擅盛名
心光零亂同墜葉中路因循枉笑人沈吟我亦嗟何及
遙看芳草如有靈神識超然入渺冥萬里歸來真一夢
寥天思遠風泠泠懷人憶事非無故側身天地驚歲暮
此意王郎知我深高歌往往有神悟去年來湖上行
偃蹇乾坤解送迎請看白日下垂處盡是人間今古情

夜坐寄懷三弟己丑

亦無愁可說庭院坐微陰孤露憐渠幼三年獨此心漸
成生世感悔涉江湖深同是離羣淚哀鴻有斷音

晚泊鴨欄磯壬辰

觚庵詩存卷十

七

一燈紅起寒流外身世無端接混茫不信星辰隨地轉
獨憐鴻雁入天荒雄風作勢吞雲夢清角流哀下岳陽
遠望低吟總無奈中原落日卽滄桑

寄懷舍弟兼呈肯堂甲午

側身驚見孤飛鳥落日無根大地懸原野高寒愁集叢
弟兄南北各潛然襟人亂角從空下背郭幽花抱露眠
斜睨五洲成獨醉朔風吹海又殘年

送黃孟樂袁叔瑜下第南歸

宵然廣莫費搜尋不信虞淵返景深役役終知孤憤在
星星同惜二毛侵養生豹毅無兼術慙劫蟲沙有道心
莫漫江湖悲瓠落此身原是不祥金

贈曾重白

世上悠悠競儒墨可憐於子惜飛騰誰吹落絮漫天際
看轉風輪在下層花落花開春似夢人歌人哭帝何能
鈞天醉後無從問坐息南溟待大鵬

贈嚴鐵吾水部

小辯斤斤出塵垢羞從人海證悲歡承竿直可忘翹翼
隱几何妨作鼠肝人去虛幃通萬籟花深明月動微瀾
觀生我更支離甚自把新篋作筍看

送友南歸

市聲忽觸微茫感帶雨飄燈共此心笑我忘形託人海
送君連日坐春陰眼中歷歷昏鴉滿世外冥冥落照深

瓠庵詩存卷一

八

便擬遙情託毫素微塵無地著沈吟

甲午五月天津感事詩和慕庭先生韻兼示朝鮮

使者

積水晝冥冥孤危見一星日光浮地盡風暈隔河青絕
島天如繫連宵雨不停泥中更憐汝含涕出都亭
更無人擊筑又見鬼含沙隱約聽風樹遲回踏浪花萬
方悲墜葉一角挽明霞長白連秋氣艱難歸路賒
飄忽看生事無端泣路人懸燈愁照海收網勸垂綸惻
惻思全盛依依望重臣風雲悲鬱律愁見九方歎

和范肯堂兼示李剛己

自我來天津一日課一詩出門泥沒蹀躞覘天倪登

高夜氣靜得此晨風吹日光附大地萬象皆離披拓境
無留影一隙天所悲悚身伺其間寸寸還自持百年太
散漫魂魄遂從之卓哉范長公黯澹天人姿談詩有餘
地割取晴空絲及門盡賢達李子尤恢奇深談破蒙瞶
真氣相因悠悠悠人間世擾擾長安兒道德偶中人耳
徇心爲疲何哉寂寞中獲此真支離

甲午天津雜感和姚慕庭先生原韻

滅燭天光入乾坤絕可憐獨成心皎皎深坐夜淵淵送
日息羣動填胸哀昔賢搏精塵壘外暫比入山便
寂寞真相喻甯知范子豪危言傷大隱一髮繫吾曹激
詠物情好披風衆竅勞深心無不在孤晚一星高

瓠庵詩存卷一

九

太息幸餘老徜徉萬劫場窅然心不競孤處古相償往
者論先德謂惜抱先生天心或未亡斯文各深淺吾道此低

昂

久雨荒生事人煙慘淡中連林答沈響虛枕引低風蝶
影移燈入蜂房隱壁空就乾得生理此意倘吾同
屋角喧新漲牆陰煮霧茶雲來失雙燕泥泛沒輕花四
野日光薄九河風力加近堤農作苦昨歲已無家
談詭人間世雞夷髮盡青憤時終自放莊語待誰聽兵
氣纏蝸角天聲戴鶴翎仙人縹緲海招我五霞舫
小別長安市時流一輩多竊鉤真不幸側帽屢相過宏
道命安託橫流爾奈何出門看傀儡飯飽得蹉跎

慶典中朝重賢臣議禮佳星辰羅地軸鸞鳳嘯天街近
惜遼東信終傷義士懷聖人千萬壽四裔在庭階
離家覺軒豁望遠忽潛潛門祚驚心久饑寒合眼聞高
天誰見影集霰欲迷山廣漠吾從逝先偷一夕閒
靜坐如有適從知昨者非笠邊疏雨過草背一蟲飛酒
薄心常定談深客不稀八方終炙手吾道竟安歸

食瓜

屏息不知有天地夢夢側視如釜底微聞殿角走輕雷
色然雲物隨人起奴子獻瓜大於瓢持瓜待剖心搖搖
炎風蒸海絕飛輓軍容慘沮燒旌旄堆盤見此晚霞色
眼底清涼不可測避世何人解飲冰稍借甘鮮驅內熱

觚庵詩存卷一

十

一氣毋教遁齒牙終憐肝膽非一家自提血腸理煩鬱
誰言伏暑能抵瑕百骸冥冥我無苦書來吾弟反病暑
對床忽夢呻吟時有兄飄泊真憐汝丞相作勢大用兵
往往海上思飛騰仙人微笑立雲輶堅我寂寞慰弟兄
曾侯祠廟墮煙霧撞鐘伐鼓驚遲暮抱我悠悠一片心
潸然涕灑蒼茫處

和李公子經邁

相看誰挾幽并氣極盛門才有邊增當戶河流風灑灑
隔年人到兩騰騰君家憂樂關全局天下低徊想中興
近事忽堪橫涕淚海雲檣燕百無能
我生兀兀且自保但到酒邊皆淚痕未必危言關大計

觚庵詩存

可無元氣在高門清時送日吾猶待大地懸河雨亂翻
十丈荷花千畝水甯能相對與忘言

自廈門泛舟渡臺灣海中見夕陽感賦

自浮滄海送殘陽漸覺閒身入莽蒼一掬酸辛成獨往
無邊天水共微光風檣隱隱開元氣翔鴈聲聲弔戰場
淒絕一更初魄語故人相望涕成行

甲午除夕登臺北城樓

瘴外日光芒角動殘年出戶晝常陰寥天有此登高興
暮雨飄殘隔歲心役役談兵清議在冥冥入世幾人深
迷離爆竹千家晚鍼孔光陰耐苦吟

登廈門南普陀和易實甫原韻乙未

觚庵詩存卷一

十一

登臨初見海嵯峨回望神州感逝波坐久自疑趨大壑
再來應恐泣磐陀愁邊草樹天風急淚眼乾坤落照多
今日五洲成大夢獨留殘夢在巖阿

韜光寺丁酉

日射韜光頂石寒烟不消曉星穿石筍高樹隱山橋自
此入蘿徑何心對海潮諸天鐘梵寂覺後總無聊

自韜光至靈隱

架竹引泉脈因松作雨聲亂雲隨我駐孤月爲誰行澗
合雙流急巖窺一綫明四山如睡覺高處一峯晴

天竺

言從天竺寺偶步下雲房新霽鈴聲活晨炊松葉香片

雲駐靈石一鳥答松篁簷葡花仍在禪心但坐忘

和宋燕生戊戌

相逢且各開懷抱涕淚乾坤百事艱悵惻養成真氣節
沈吟莫負好江山情深枉自傷哀樂物競何從辨聖凡
我自支離託人海介乎才與不才間

誰持下界三千劫衆口悠悠只自驚別有性情求史隱
略通憂患著茶經厭聞亂角隨風轉坐送殘陽看月生
歌哭未終人事改古今同是百無成

幾人流涕談新政我自低徊謂子賢哀樂盡時忘孔墨
國身通後見人天子意微波脉脉歸滄海棄木森森得
大年倘謂時艱求息壤人間何處有桑田

觚庵詩存卷一

十三

自清溪泛舟至寥山草堂分韻得堂字己亥

有約惜韶光酒香花滿堂斜陽寫哀豔春意在做茫持
此與靜者相看誰老蒼映波最惆悵初過少年場

寒食日續游用前韻

病起逢寒食春從寂寞償酒邊雙鬢改花底一星藏送
日更誰待聞歌聊復狂高談破蒙翳微月在溪堂

觚庵詩存卷一終

觚庵詩存卷二

山陰 俞明震 恪士

登狼山癸卯

獨抱沈憂向滄海且登孤塔送斜暉回看城郭依依在
瞻覺江山種種非斷港煙昏潮暗上諸天風定鳥高飛
哀時別有人天感一笑相忘立釣磯

山後疏林風日幽山前奔浪接天流情難自遣登樓好
生本無涯到海愁旦暮承平容小隱英雄芻狗有千秋
人間散漫成今古了卻閒身盡白頭

甲辰六月十六日登天童山訪寄禪長老不遇留

贈二首甲辰

觚庵詩存卷二

一

我到深山公入世人天哀感未分明中年萬事不掛眼
靜夜一燈微有情碧海沈沈那有岸秋蟲唧唧徒聞聲
玲巖星暗諸天寂待汝歸來看月生

人世至今無可說相逢端合話來生交空四海公垂老
愁入深山雨易成料得歸來應有淚不因禪定便無情
華嚴法界人能到容我蹉跎聽梵聲

待寄師不至留居山中七日

此來真隔世了了悟初心入谷窺天近因松坐雨深秋
蟬悲旦暮山鳥課晴陰好景無真相君聽流水音
百轉通靈境雲陰隔翠層蹉跎吾到海蒼莽汝爲僧古
樹忘枝葉羣峯有愛憎偶然會名理何用說傳燈

寺樓深不見寥廓遞斜暉泉向雲邊冷僧從雨外歸低
徊清夜磬悽惻故山薇偕隱吾誰託中年百事非

再題方丈壁

高樹一蟬催晚晴去年同汝聽秋聲離愁不入華嚴界
立向西風卻又生

別天童則悟禪師送至太白嶺留贈

真意久寥落空山覺汝賢世情真說夢高處但悲天戀
戀辭清梵行行感逝川何當謝塵網相對共忘年

重過洞庭

早涼催雨渡湘波重見湖陰舊薜蘿風月至今仍跌宕
江山如我總蹉跎孤城莽莽愁心疊野日荒荒落雁多

觚庵詩存卷二

二

天際一星明向我混茫無地著悲歌

四月十四日招秦伯虞鄧熙之陳雨生并攜琴師

王耀先泛舟秦淮

秦淮初夏景夷猶薄雲陰宿雨收煙水有情諸老在
鶯花如我一春愁故家文物存蜀狗一代人心幻土牛
斟酌古今琴韻好任他簫管在高樓

丙午入都迂道至長沙十月十六日舟過簪洲

落月懷人無限情起看江色未分明霧中但見千帆頂
天末微聞一雁聲得免飄零兄弟老深於哀樂古今平
艱難幸踐聯牀約但恐重來白髮生

登園亭感賦

丁未

一片傷心萬柳絲晚晴新綠上鬚眉醉看殘日悠悠下
坐聽鳴蟬悄悄悲花底炎涼俱有味眼中陵谷更何思
從今記取蘇龜句忍淚看天到幾時

雨中登樓贈伯嚴

閉門三日天如醉極目消魂是此樓絃上忽驚飛鳥逝
雨中無數遠山愁清時了了花猶媚大地冥冥樹已秋
知否匡廬煙霧裏有人袖手看神州

峽江道中

空際又收斜照去人間惟有百憂侵荒城近水知寒早
醉眼看天覺淚深身外波濤隱高樹夢餘燈火悟初心
灘聲嗚咽鳴鴉啼急四十年前枕上音

觚庵詩存卷二

三

鬱孤臺

秋風吹上鬱孤臺鼓角聲低萬井哀事過羣山如夢醒
天空一雁破愁來蠻巫醉飽教歌舞短日荒寒下草萊
耕鑿但知忘帝力閉關終古是凡才

八境臺

層臺窅窅壓驚流又作閒身半日留鷗鷺去人如避世
江山知我此登樓愁邊雙塔滄桑影霜外寒林粉墨秋
莫向棋枰數殘劫醉看斜日下松楸

贛州雜感

共說趨炎地曾無釀雪天蟲沙真厄運冤憤有殘年客
去心常醉愁深月不圓棲遲聊復爾得地草堂偏

自昔存祆教深山鬼國迷結成衰世果愁到萬家啼失
計冤魂盡驚寒日脚低回光餘一照仍見雨凄凄
隱几悲生事披衣聽曉春市聲含慘淡官計但彌縫巫
女醉談鬼蠻花紅耐冬養癰在窮谷遺恨到寒蛩
後事真難問前因更可哀幾人收涕淚一雨長莓苔
影山圍住風聲雁帶來誰教民氣塞遠望一登臺

通天巖

但見九州大安知巖壑深不有登高興安知天地心少
壯背人去譬如鳥投林疎身伺日影一息皆精神回光
射叢薄細路披碎金暫與滌煩冤遺此一寸陰百轉出
寒霧隱隱浮城闌晴雨失氣候萬態含酸辛惜此物力

軀庵詩存卷二

四

阜鬱塞無冬春嶽嶽姚江叟教養開蕪榛欲民通生計
先使變土音豁蒙卽治理閉關皆弱民我來理冤憤百
屈不一伸高天照冥昧後起無哲人生平悲憫懷望遠
情倍親况茲值歲暮歸心如轉輪

冬夜偶成

多少殘年事蹉跎著此亭風從螢處定山到雁邊青夜
久得坐理水寒無動形向人枯樹在如欲訴飄零

鬱孤臺寓齋

檐角一鈴呼鳥還殘宵歸夢轉清閒風聲到枕思鄉樹
月色愁人有亂山一念可教滄海變百年真到鬢毛斑
因循聊作鴻荒想身在千巖萬壑間

長夜吟

空江夜坐雲崔嵬合沓羣山如馬來眼前瞬息恣萬變
胡爲墨守相爭猜新民有術不能道滄桑一劇悲者笑
鬼神畢竟誤蒼生迷信何曾有宗教達官解事但形模
憲法不啓愚民愚百年積弱有天意朝三枉自尤羣狙
灘頭水寒千丈落頽波散盡趨大壑洗滌山川有雨聲
莫訴煩冤向寥廓盤空大地如車輪日光所被物態新
若使地軸不自轉誰是茫茫長夜人繁霜夜隕烏啼苦
荒江此境成終古錯怨東方不肯明那識西天日方午

贛江曉發

荒灘有客夜推篷江入羣山一線通向曉燈光斜月裏

軀庵詩存卷二

五

殘年心事亂流中將衰微覺悲歡異無睡方知天地空
忽漫相逢有歸鴈哀鳴無奈五更風

曉發廬陵

破曉時聞孤鴈鳴關心猶記去年聲出林微月知人意
附郭名山有世情望遠殘燈隨念沒臨流一樹傍愁生
人間萬事閒經過賸有詩心鬱未平

泊吉水三曲灘

暮天羣動息惘惘惜孤清岸柳愁中老檣燈雨外明悲
來已陳迹何處著平生惟有星星髮催人心暗驚

鬱孤臺晚眺戊申

隱約鐘聲雜市聲又看斜日下重城人前惻惻無高論

江上悠悠入晚晴憂世但知來日在倚樓真覺一身輕
棲鴉流水成終古吟徧秋光識此情

劉芋山招飲鬱孤臺感念近事贈同座諸紳士

城角炊煙一片愁眼看生事但悠悠人無肝膽常如客
山有晴陰各自秋千畝瘴開留晚照時新開農業試驗場雙江水
涸笑清流因循我更慚諸子猶有閒情付嘯謳

偕劉月農登八境臺示同游諸子

衙居絕朋歡乘興策游騎步上八境臺恍如脫拘繫鬱
鬱瞰孤城脈脈延秋霽生年去飄忽憂患天所寄彌望
結層陰人煙墮冥昧帆靜如有待鳥驚若相忌暝色赴
依微岡巒互睥睨萬感入遲暮宦游非我意坐對好江

觚庵詩存卷士

六

山寧爲百年計此邦多達人所悲在民氣吾子憂患身
抗心赴沈摯至人通羣情毋憂負俗累

步月偶占

低簾燈影映殘荷別夢依依奈遠何夜久一螢深入露
月明雙眼靜生波庭前獨樹看人老天外愁雲任鳥過
欲逐清輝向寥廓秋風心事更蹉跎

城頭望夕陽西沒感賦

爲顧殘陽墮地遲望中燈火轉迷離羣山偃蹇都能隱
雙雁迴翔何所悲一暝欲收江海去回頭如接混茫時
籬邊賸有微光在珍重秋心好自持

戊申十一月重游通天巖留宿山寺

觚庵詩存

深巖一穴天光聚怪石當人如虎踞荊棘相看已隔年
洞中石佛真頑固高飛一鳥破鴻濛澗底雲烟失攀附
層巒椎魯無性靈點綴遙情出寒樹山色寧知遲暮心
斜陽不到無人處誰持肝膽照荒寒賸有悲歡支世故
晚鐘催客入寺門草背燈光如綴露山僧向我說靈怪
夜深暫爾清百慮臥聞石齒漱泉聲缺月微明四邊霧
巖顛忽吐銀色雲曙星隱約在庭戶半世勞勞向曉心
一枕深深佛前炷官如殘夢應自笑人情剝盡隨所遇
萬木不動風有聲晨光慘慘生幽怖入山苦勞出山逸
掉首還尋出山路

改歲四日率兵度梅關賦此己酉

觚庵詩存卷士

七

角聲低不揚磴道鬱盤互泉細溼雲根松高倚天柱但
聞白雲香不見梅開處百轉到關門雙巖尙掩護南望
失氣候青青露原樹山勢萬馬騰有力不能馭遂令關
以南天然畫畛域羣盜捷如猱誘我逢鄰怒摧陷失雄
心避縮全世故衆鳥噪夕陽人家隱寒霧誰與辨煩冤
嗒然全吾素

移寓南安郡樓

微覺人間憂患長樹頭寒霧滅春光兒時書卷存餘味
靜日江山但坐忘雨脚減收延返照蛛絲何意近雕梁
野梅吹盡無人見辜負高樓一夜香

游了山

雲擁了山尖雙髻不容把影落煙鏡中晴光助妍姸入
山恐不深此景詎忍捨空濛無遠近色相天所假石骨
斂春容怒立拒奔馬披霜萬葉黃背日一峯赭入寺不
知門霧溼鐘磬啞梯樹引泉根冷冷墮檐瓦躡足出叢
薄豁然露平野殘陽淡淡收飛鳥悠悠下中有萬古情
含悲不能寫束身入世程此意待來者

大庾亂甫定偕僚友出游近郊諸山

百轉迷前路從知出世難長愁肝肺熱新霽水雲安閒
淡看僧老艱危逼歲殘在山泉似境流作萬重灘
背日山常暗驚風葉亂飛哀時甘泯泯望遠獨依依亂
定羣情見天空一鳥歸忍將垂老淚長此送斜暉

瓠庵詩存卷二

八

初春雨霽有懷

一峯相向晚峻嶒霽色猶寒隔霧層深竹飽聽連夜雨
曲房初見照愁燈十年影事朦朧記二月韶光淺淡增
正是江南好時節海棠紅蕊綻春冰

游空同山遇雨

遠望煙中山秀列如屏廕近山失山態歷亂沙石兼鼓
勇得細路山勢如相箝苔潤垂綠髮藤老張紫髯天然
設危坂喘喘各戒嚴盤空踏鳥背里石欹帽簷橫風驅
雨來密點如膠黏去寺不十武黝黑萬象淹俯聽雲有
聲怒挾虎豹潛巨浸儼在上數峯青露尖須臾辨天色
一一排牙籤人從樹杪行魚貫穿水簾水聲去復返巖

底嘶漸漸萬竅各自悲餘響窮微纖僕夫詎解此過險
徒沾沾轉路覓燈火生增寒霧添回看石壁下新月彎
如鎌

偶題

借得鄰家幾樹陰朝朝呼客聽流鶯敝冠不脫山林氣
弱句先除兒女聲事過名場真一笑兩收斜照爲誰明
留貽無限滄桑蹟惟有韶光畫不成

游空同歸投田家一宿

簷樹參差露晴光炊煙縷縷低渡墻鄉村最好是春暮
家家飯熟松柴香曉鴉笑我脫拘繫繞屋飛鳴解人意
淵淵自惜肝腸深世味無端集垢膩煮茶燒筍邀客餐

瓠庵詩存卷二

九

怕聞父老談辛酸山茶一叢雜瓦礫任他蛱蝶飛成團
別有深情向平野多謝農夫飼歸馬合無人處看春光
相逢同是悠悠者昨宵夢逐孤雲飛山月不動光入幃
陶然自顧壁上影夜氣觸境無町畦朝來滿目悲生事
世亂先愁老將至絮影萍根此一時他年來認空同寺

夜雨書懷

黯黯春光去垂垂老境添雨深燈有暈人靜水窺簾入
世愁兒女思歸計米鹽略諳齊物旨何意問飛潛
去任有期矣三月二十三日分巡至信豐留贈諸

父老

昔遭粵匪亂茲城獨完固鬱鬱五十年遂通南雄路風

氣遞旋轉博門爭蟻附父老拜馬前欲語尙瞻顧陋俗
非近因合羣費將護欲預百年計力豈旦昔赴三宿吾
何戀詎曰彌世故天地入塵埃一鱗春光聚因之懷物
情百憂競奔注聲聲行不得鷓鴣留我住林外杜鵑啼
道不如歸去山深見日遲晴光阻高樹出谷眼忽明觸
境吾無忤還待後來人徘徊瞻天步

信豐至贛縣溪流曲折舟行萬山中晚泊立瀨墟
遇雨

溪流如帶繞羊腸結束巉巖一線光天地忽收心悄悄
冬春無界景蒼蒼孤螢避影知燈近暗霧籠沙覺草香
消得老來詩境狹萬山深閉雨成行

觚庵詩存卷二

十

劉芋山研究農業世居濃溪山水清絕余維舟訪
之所設農業試驗場種樹成陰矣感而有贈

昨過立瀨墟遠見君家樹樹樹含春情迎我濃溪渡濃
溪之水濃於酒山光倒注綠可剖山下溪流鏡面平雙
篙點破魚不驚君家恰在溪山曲濯足溪流飲山綠自
栽松柘亂成行憂來躑躅野人旁直輸心血作灌溉獨
闢虔南樹藝場海天一粟君何補躬耕小稱溪山主但
爲時艱惜好春眼前寸寸黃金土沈吟此際百酸辛我
亦長錢託命身無田不渡浙江水愁作東西南北人

四月十五日重至南安夜步城頭望月

悠悠人事重經眼瀾瀾溪流舊繞牆明月入懷添悵惻

觚庵詩存

野禽呼我共蒼莊客中作客知官味山外看山惜夜光
聞道今年漸生聚邊風吹過總淒涼

讀范肯堂遺集愴然賦此

達人齊恩仇沈憂吐珠玉并世毀譽情待向滄桑哭誰
知一卷詩早定浮生局君詩大國士未屑計邊幅精神
在蒼莽萬象生斷續放筆奪天機管然龍象伏甲午造
君廬飢驅一月宿家貧國多難畏行轉踏歌幽吟互贈
答一放常千曲相知在肺肝影不隔明燭收淚入歡娛
持瑕又抵觸當年篤愛情歷歷詩在目此境不可追此
詩安忍讀墓門宿草深昨夜夢海角

駐大庾邊境萬山中閱南洋報知伯嚴梅庵讌樊

觚庵詩存卷二

十一

雲門前輩於六朝松樹下卽席有詩次韻奉和
乘溜下絕澗竹筏如怒馬農夫獻家釀酌以牛角罍如
何萬仞山低首荒城下蠻歌迎七姑山中處處有七姑祠銅鼓鬧
春社久與枯僧鄰此景覺妍冶衝風脚力健曝日面皮
赭怪鳥霧中來怒爪墮簷瓦蒼蒼者山川何處界文野
羊菌漸有棲貓筍可盈把雖無李侯饌適口吾聊且一
幅蠻荒圖悲來不能寫亦有百尺松龍鱗尤古雅不放
六朝青遂令知者寡可憐王謝輩同是悠悠者

居南安十日書寄伯嚴

炎方十日悵悵雨斷送殘春作早秋驚鳥有羣皆獨立
奇峯難畫任冥搜眼前事了未全可胸次月明真不愁